

**Laapi pyereestvaijeemkuávlu
kuávluhaldáttâs**
..

LAPHA/676/01.01.01/2023

**36 § Äššitobdeetoomâi vuáđudem ovdedem- já strategiapalvâlusah -
toimâsuárgán**Laapi pyereestvaijeemkuávlu kuávluhaldáttâs 36 §
25.1.2023

Ovdedemhovdâ Mikko Häikiö

Haldáttâhnuolgâdus 22 § miel Laapi pyereestvaijeemkuávlu toimâ juáhás toimâsuorgijd, moh láá sosiaalpalvâlusah, tiervâsvuođâpalvâlusah já kááijumtoimâ (kááijumlájádâs). Toimâsyergih pyehtih juáhásiđ ain ovdâsvástádâssuorgijd, ovdâsvástádâsohtâduvváid já tárbuláid vyeliohtâduvváid. Toimâsuorgij lasseen pargoviehâornijduumeest láá toorjâtoimah, moh pyehtih juáhásiđ toimâsuorgijd, ovdâsvástádâssuorgijd, ovdâsvástádâsohtâduvváid já tárbuláid vyeliohtâduvváid kuávluhaldáttâs meridem vuovviin.

Kuávluhaldáttâs tuhhiittij 5.10.2022 § 286 ovdedem- já strategiapalvâlusah - toimâsyergi uđđâsist ornijdem. Ovdâsvástádâsohtâdâhjuáhu valmâštállui oovtâstpargoost toimâsyergi ovdâsvástádâssyergijodetteijeiguin já äššitobdeevalmâštelleiguin.

Haldáttâhnuolgâdus miäruštâl 37§ Sämikielâ lävdikode, 39§ Uásálâšvuotâ- já äššigâsvuotâlävdikode já 40§ pyereestvaijeem- já oovtâstpargolävdikode pargoid já toimâvääldi. Almos pargoi já toimâvääldi raamij siste ovdiibeln mainâšum lävdikuudijn lii kenigâsvuotâ ei. adelid čäikkámuš budjetist já toimâvuávámist lävdikuudij pargosyergi uásild. Lävdikodeh láá-uv adelâm čuákkimijnis: 16.12.2022 § 4 Sämikielâ stivrimjuávku, 17.11.2022 36§ Uásálâšvuotâ- já äššigâsvuotâlävdikode já 13.12.2022 44§ pyereestvaijeem- já oovtâstpargolävdikode jieijâs uáivilijd resursijn, maid lävdikuudij pargosyergih tarbâseh. Ovdil mainâšum čäikkámušah láá čujottum kuávluhaldáttâsân tiättun.

Uásálâšvuotâpargo já vaiguttemorgaanij valmâštállâm resurseh

Uásálâšvuotâ- já äššigâsvuotâlävdikode lii tiäduttâm 17.11.2022 § 36, ete pyereestvaijeemkuávlu lii toimâpirâsin uđđâ já uásálâšvuotâ, uásálistem já vaiguttem ráhtusij valmâštállâm, huksim já olášuttem väätih tuárvi resursij nuuvt strategisii vuávám já koordinistem ko keevâtlíi olášume tääsist. Kuávlulii uásálâšvuotâ já uásálistem oovtâstpargoviärmáduv huksiimân kolgáččii meid pieijâđ resursij, tastko kuávlu ässeeh já äššigâsah láá ohtsiih. Eromâšávt čovgâ oovtâstpaargon

**Laapi pyereestvaijeemkuávlv
kuávlvuhaldáttás**
..

kielđáiguin kalga pieijâđ resursijđ. Meid ovdâsvástádâskuávlvui já palvâluskuávlvui uásálâšvuodâ, uásálistem já vaiguttem ovdedem váátá resursijđ já tooimâid.

Äššist láá savâstállâm lävdikode čuákkim maŋa sehe uásálâšvuotâäššitobdein já lävdikode saavâjođetteijein, ete čuávuuváá 26.1.2023 toollâmnáál uásálâšvuotâ- já äššigâšvuotâlävdikode čuákkimân tuálvuh tärkkilistum reesuurstárbuiävtuttás, mon mielđ uásálâšvuotâpargo já vaiguttemorganij valmâštállâm resursin iävtutteh kulmâ (3) tooimâ:

- sierânâsäššitobdee, ovdâsvástádâšvalmâštellee, uásálistem já vaiguttem (ässeeuásálâšvuotâ)
- sierânâsäššitobdee, uásálâšvuotâ (äššigâšvuotâ)
- äššitobdee, uásálâšvuotâtoimâorgaaneh

Toos lasseen lävdikodde iävtut, ete Sosiaalpalvâlussáid vuáđuduvvojeh nelji (4) palvâluskuávlvukuáhtásii pyereestvaijeem- já uásálâšvuotâkoordinaattor tooimâ.

Koordinaattoreh tuáimih palvâluskuávlvistis pyereestvaijeemkuávlv ohtâvuotâolmožin ja äššitobden aášijn, moh lohtâseh uásálâšvuotân, oovtâstpargotoimân sehe ässei tiervâšvuodâ já pyereestvaijeem oovdedmân. Koordinaattoreh koordinisteh já tuárjuh jieijâs kuávlvist sosiaal- já tiervâšvuodâ- já kááijumpalvâlusâin porgâmnáál uásálâšvuotâ-, oovtâstpargo- já pyereestvaijeempargo.

Pyereestvaijeem, tiervâšvuodâ já torvolâšvuodâ ovdedem resurseh

Laavâ sosiaal- ja tiervâšvuodâhuolâttás orniimist (612/2021) 7 § mielđ pyereestvaijeemkuávlv kalga ovdediđ jieijâs ässei pyereestvaijeem já tiervâšvuodâ.

Pargo čoonnâs čovgâ pyereestvaijeemkuávlv eres lahâasâtláid pargoid. Pyereestvaijeem já tiervâšvuodâ ovdedem pargo lii toimálvvt kuávdáást oovtâstpargoost, mon pargeh kielđáiguin, eres almos tuáimeiguin, priivaat finnoduvâiguin já almoshiäđulij servijguin. Pargo haaldun väldim váátá čielgâ pyereestvaijeemjođettem ráhtusijđ, pargojuávu já ulmemiäldásii resursistem.

Laavâ sosiaal- já tiervâšvuodâhuolâttás orniimist (612/2021) 7 § mielđ pyereestvaijeemkuávlv kalga toimâđ oovtâstpargoost jieijâs kuávlv kielđáiguin já tuárjuđ taid jieijâs äššitubdâmuššáin. Kielđái já eres čonâšjuávhui vuárdámušah pyereestvaijeemkuávlv pyereestvaijeem, tiervâšvuodâ já torvolâšvuodâ ovdedempaargon láá ollâgâsâst.

**Laapi pyereestvaijeemkuávlu
kuávluhaldáttás**
..

Pyereestvaijeem- já oovtâstpargolävdikodde kiedâvušái čuákkimstis 13.12.2022 § 44 iävtuttás hytetu-olesvuodâ resursistmist uáassin jieijâs ciälkkámuš ive 2023 budjet já ekonomiavuávám valmâštâlmân.

lävtutteh, ete pyereestvaijeem, tiervâsvuodâ já torvolâšvuodâ ovdedem olesvuodâ pargoh juáháseh čuávuvávt:

- sierânâsäššitobdee, ovdâsvástádâsvalmâstellee, pyereestvaijeem, tiervâsvuodâ já torvolâšvuodâ ovdedem
- äššitobdee, servioovtâstpargo
- äššitobdee, estâdeijee pargo

Toos lasseen lävdikodde iävtut, ete Sosiaalpalvâlussáid vuáđuduvvojeh nelji (4) palvâluskuávlukuáhtásii pyereestvaijeem- já uásálâšvuotâkoordinaattor tooimâ. Koordinaattoreh tuáimih palvâluskuávlustis pyereestvaijeemkuávlu ohtâvuotâolmožin ja äššitobden aášijn, moh lohtâseh uásálâšvuotân, oovtâstpargotooimân sehe ässei tiervâsvuodâ já pyereestvaijeem oovdedmân. Koordinaattoreh koordinisteh já tuárjuh jieijâs kuávlust sosiaal- já tiervâsvuodâ- já kááijumpalvâlusâin porgâmnáál uásálâšvuotâ-, oovtâstpargo- já pyereestvaijeempargo.

Sämikielâlij já kulttuurmiäldásij palvâlusâi ovdedem resurseh

Sämikielâ stivrimjuávku kiedâvušái 16.12.2022 čuákkimstis sämikielâ stivrimjuávhu iävtuttás ive 2023 budjetân já ekonomiavuávámân. Ciälkkámušâstis sämikielâ stivrimjuávku vaaldij pele meid tárbuláid resursáid. Stivrimjuávhu miel d reesuurstárbu vuáđuduvá sämikielâlij já kulttuurmiäldásij palvâlusâi kuhháá jotkum ovdedemvuálápáacun (THL 2021), nubásmum lahâasâtem miel di pyehtim uđđâ kenigâsvuodâid sämikielâlij palvâlusâi uásild (laahâ sosiaal- já tiervâsvuodâpalvâlusâi orniimist 612/2021, 29§ já 33§) sehe säämi kielâlaavâ (1086/2003) olášutmân.

Sämikielâ stivrimjuávku iävtut ovdedem- já strategiapalvâlussáid sämikielâlij já kulttuurmiäldásij palvâlusâi ovdedem ovdâsvástádâsohtâdâhân čuávuváid resursijd:

- Äššitobdee, sämikielâlij já kulttuurmiäldásij palvâlusâi tiätupyevtittem
- Äššitobdee, sämikielâlij já kulttuurmiäldásij palvâlusâi ovdedem
- 2 kielâpargee, pyereestvaijeemkuávlu haldáttuv, viestâdem já pyeccee
- já äššigâsäššikiirjij jurgâlem jieijâs sämikielân

Lahtos 1. Vuáđudemnáál tooimâi tärhibeh vuáđustâsah já pargokoveh

**Laapi pyereestvaijeemkuávlv
kuávluhaldáttâs**
..

Haldáttâhnuolgâdus 52 § miel kuávluhaldáttâsâst lii almostoimâvâldi pargoviehâaašijn, jis toimâvâldist ij lah asâttum laavâst ige haldáttâhnuolgâdusâst. Haldáttâhnuolgâdus 53 § miel kuávluhaldáttâs meerrid eres viirgij ko pyereestvaijeemkuávlvhoovdâ virge vuáđđudmist já looppâtmist sehe virgenomáttâs nubásmitmist. Eres ko pyereestvaijeemkuávlvhoovdâ virge tohálâšvuotâvátámâšâin meerrid kuávluhaldáttâs (haldáttâhnuolgâdus 55 §). Virge tâi virgekoskâvuodâ kullut uuccâmnáál virgekoskâvuotân vâldimist merideijee virgeomâhâš (haldáttâhnuolgâdus 56 §).

Vuáđđudemnáál 10 äššitobdeetoimâ pälkkikoloh pargoadeleijeekeoloiguin láá suulân 570 000 - 590 000 eurod ivveest. Pälkkikoloh láá valdum huámmášumán pyereestvaijeemkuávlv budjetân ihán 2023.

Miäldusmaterial

Vuáđđudemnáál toomâi tärhibeh vuáđustâsah já pargokoveh

lävtuttâs**Pyereestvaijeemkuávlvhoovdâ**

Kuávluhaldáttâs meerrid

1. vuáđudiđ kulmâ (3) sierânâsâššitobdee toomâ, tohálâšvuotâvátámâššân hiäivulâš aaleeb ollâškovlâtođhos;
2. vuáđudiđ kulmâ (3) äššitobdee toomâ, tohálâšvuotâvátámâššân hiäivulâš ollâškovlâtođhos;
3. vuáđudiđ äššitobdee (sämikielâlij já kulttuurmiäldásij palvâlusâi ovdedem) toomâ, tohálâšvuotâvátámâššân hiäivulâš ollâškovlâtođhos já sämikielâ táidu;
4. vuáđudiđ äššitobdee (sämikielâlij já kulttuurmiäldásij palvâlusâi tiätupyevtittem) toomâ, tohálâšvuotâvátámâššân hiäivulâš ollâškovlâtođhos já sämikielâ táidu;
5. vuáđudiđ kyehti (2) kielâpargee toomâ, tohálâšvuotâvátámâššân hiäivulâš ollâškovlâtođhos já eromâš pyeri sämikielâ táidu (tavesämi-, anarâš- tâi nuorttâlâškielâ);
6. ete toimâsyergihovdâ tâi suu meridem ovdâsvástádâskuávlvhoovdâ meerrid jieškođe-uv virge ovdâsvástádâskuávlv já ovdâsvástádâsohtâduv;
7. ete ovdiiBELN mainâšum toomah piäijojeh almolávt uuccâmnáál.

Lasetiäđuh

Ovdedemhovdâ Mikko Häikiö
p. 040 772 7211
mikko.haikio@lapha.fi

Haldáttâhhoovdâ Harri Tiuraniemi



Lapin hyvinvointialue
Lappi buresveadjinguovlu
Laapi pyereestvaijeemkuávlv
Lappi pue'rrvääjjamvu'vdd

Čuákkimpeivi
25.1.2023

**Laapi pyereestvaijeemkuávlv
kuávlvuhaldáttás**

..

p. 040 665 9734
harri.tiuraniemi@lapha.fi